



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Lignvm Vitae, Ornamentum, & Decus Ecclesiae**

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

**Wion, Arnold**

**Venetiis, 1595**

De tertio Stellato S. Roberto Abbate Molismense, fundatore Monachorum Ordinis Cistertiensis. cap. XLII.

**urn:nbn:de:hbz:466:1-38372**

De tertio Stellato Sancto Roberto Abbate Molismen-  
se, fundatore Monachorum Ordinis Cister-  
tensis. Cap. XLII.



ERTIVM, inter Abbates Stelliferos, locum sibi vendicat Sanctus Robertus Abbas Molismensis, Cisterciensium Monachorum sub regula D.P.N. Benedicti, & candido habitu, scapulari nigro distincto fundator & institutor; cuius institutionis ordo sic se habet. Cum Monachi Molismensis cenobij, quod erat in Episcopatu Lingonensi fama celeberrimum, Religione perspicuum, uiris illustribus nobilitatum, possessionibus amplis, & uirtutibus clarum, ab antiquo obseruantie rigore, & preceptis regulæ, quam professi fuerant, aliquantulum deflectere uiderentur, intelligens uir Sanctus Robertus, qui eorum erat Abbas, & altius considerans, diuinitis uirtutibus que, diuturnam non posse esse, societatem, habito inter se & nonnullos Monachos suos communi consilio, erant autem omnes duo & uiginti, unanimes assensu, eodemque spiritu, Cistercium, locum in Burgundia desertum, Cabilonensis Diocesis commigrarunt, secundum Regulæ preceptum de operibus manuum suarum victuri. Vbi Hugonis Lingonensis Ecclesie Episcopi, & tunc sedis Apostolicæ Legati, fauore, Vualteri Cabilonensis Antistitis assensu, necnon Odonis Burgundiæ Ducis auctoritate ac operibus roborati, Abbatiam Ordinis primam construere ceperunt anno Domini 1098. Et quia Monasterium Molismense Beatæ Virgini consecratum noscebatur, constitutum est, ut tam ipsi, quam eorum successores, de eodem nouo Monasterio propagati, omnes suas ecclesias in honorem eiusdem gloriose Virgini dedicarent. Roberto autem non longè post Monachorum Molismensium opera, & Vualteri Episcopi iussu, ad propria ouilia remeante, (qui eodem anno scilicet 1098. tertio calend. Maij ex hac uita decessit) Albericus uir Sanctus ac Religiosus eius loco substituitur: quo defuncto Stephanus, qui & Arduinus, natione Anglus non minoris Sanctitatis uir, nouellam plantationem regendam suscepit. Quæ cum parum hæcenus creuisset, personis quidem secularibus uenerantibus in eis uitæ Sanctitatem, sed abhorrentibus austeritatem, Sanctus Bernardus an. 1113. cum triginta ferme socijs aduenit, & suauis Christi iugo ibidem colla submittebat, tantos Sanctitatis, ac do-

ctrinæ

Strinæ fructus protulit, ut ea Religio magis Bernardo, quam primo suo auctori usquequaque debeat. Anno enim Domini 1115. in Valle quæ Absinthium uocabatur, Claraualis Monasterium extruxit, uarijsque in Prouincijs tot cœnobias subinde posuit, ut etiam euuente ferè ducenta computarentur. Primæ Ordinis propagines, Claraualis, Firmitas, Pontiniacum, & Morimundus; quorum cœnobiorum Abbates tantæ auctoritatis sunt, ut Abbatem Cisterciensem uisitent simul, & singillatim ab eo uersa uice uisitentur. Cisterciensis tamen Abbas ubicunque terrarum pro Generali generalissimo Ordinis totius agnoscitur, & in ipso instanti quo quis Monasterij Cisterciensis Abbas creatus est, sine aliqua alia electione & scrutinio, Generalis Ordinis titulum gerit. Horum autem Generalium catalogum hic inferere non potui, quod illorum copiam assequi nequiverim. Ordinem probauit Urbanus Papa II. anno Domini millesimo nonagesimo octauo.

*Summi Pontifices Ordinis Cisterciensis.*

Cap. XLIII.



**E**UGENIUS III. Frater Petrus Bernardus antea uocatus, humili loco in Tuscia natus, ex oppido cui Montis Magni nomen est, Diœcesis Pisana: hic primo Canonicus & Vicedominus Ecclesiæ Pisanae fuit, postea omnibus huius seculi dignitatibus relictis, doctrinæ & monitis S. Bernardi, Magni Clareuallensis Abbatis adhæsit, Monachusque Cisterciensis factus est: in quo primum Abbas S. Zenonis Pisis, mox Romæ Sanctorum Vincentii & Anastasii, ad aquas Saluias, quod trium fontium nuncupatur, creatus fuit: qui mortuo Lucio Papa II. quum esset extra collegium Cardinalium, omnium suffragiis Romæ in Ecclesia S. Callisti, tertio Calendas Martii, Anni 1145. Indict. 8. Romanus Pontifex renunciatus, statim ex Vrbe discessit, atque ad Monasterium S. Marię Farfensis ueniens, ibidem suæ coronationis insignia suscepit. Sedit annos 8. menses 4. dies 10. Pluribus ordinationibus mense Decembri celebratis, creauit Episcopos 9. ex quibus duos Cardinales, Presbyteros 13. sed duos ex antiquis Diaconis, & Diaconos 10. ex quibus tria nomina tantum omissa. Obiit Tibure Anno Domini 1153. octauo Idus Iulii, Indict. 1. cuius Cadauer Romam relatum